

www.BibleForChildren.org

San Mateo 8



Te nuu uni ka kiuu, te ni ka sa'a in viko tnanda'a ñuu Caná ja tnii Galilea, te yun ni oo nana si'i Jesús nuu viko yun. Te suni ni ka ka'an ña jin Jesús vi tee ka skua'a jin ya ja vi koo ya nuu viko tnanda'a yun.



Te nuu ni ndi'i vinu viko tnanda'a yun, te jiña'a nana si'i Jesús nuu ya: –Tu ka na vinu ka neva'a ñayiu ya'a. Su jiña'a nana ya nuu ñayiu ka jinokuechi yun: –Vi sa'a ni ndi'i nagua tatnuni.



Yun te jiña'a Jesús: –Vi chitu ni kiya ya'a ndute. Te ni ka tnaa chitu de ndute. Yun te jiña'a ya: –Vi tau ni joo vitna, te mavijunsia'a ni nuu tee kuu chatna vinu –jiña'a ya. Te ni ka junsia'a de.



Te nuu ni jito tnuni tee kuu chatna vinu ndute yun, te ni jini de ja ni vinu gua'a ka kuu, su tu ni jini de ndenu ni kee vinu yun. Su tee ka jinokuechi yun, chi ka jini de ja nuu ndute ni ka tau de. Yun te ni kana de maa tee tnanda'a yun.



Te jiña'a chatna vinu yun: –Ndi'i ñayiu ka jani xtnañu'u
vinu gua'a ka, te ndee nuu ni kuu kua'a ka ji'i ñayiu, yun
te saa ka jani vinu nuu ka.

Su maa ni, chi ni tava'a
ni vinu gua'a ka, guaa
ndee nuu sandi'i
ni ka –jiña'a de.




Te tniuu ka'nu ya'a ni sa'a Jesús jaxtnañu'u ñuu Caná
ja tnii Galilea. Te saa ni kuu ja ni
xne'e ya jaka'nu ya, te ni ka
kandija ña tee ka
skua'a jin ya.



Te nuu ni jino Jesús ve'e Pedro, te ni jini ya ja ku'u ka'u ndeva'a nana xiso de, katuu ña nuu jito jin kue'e kiji.



Te ni tnii ya nda'a ña, te vi ore saa ni nduva'a ña. Yun
te ni ndakoo ña, te ni jiña'a ña ja ni ka jaa ya.




Nuu ni kee nikandii te ni kuaa, te ni ka kisia'a ndi'i ñayiu
ka ku'u vi ñayiu ka ñu'u ña tachi nuu Jesús. Te ndi'i
ñayiu ñuu yun ni
ka kututu ye'e yun.



Te ni ndasa'a Jesús kua'a ñayiu ka ku'u ndinuu nuu
kue'e, te ni tau ya kua'a tachi ka ñu'u ña jin ñayiu ka
ku'u kue'e yun. Te tu ni jandetu ya ja vi ka'an tachi yun,
chi ja ka jini na ia kuu ya.



Te vi ndi'i ñayiu ni ka nduku ja vi ke'e ñai jin ya, chi ni ka jini ja oo jaka'nu ya ja ndasa'a ya ñayiu.



Yun te ni jinokuei kuun tee ka ndiso in tee ku'u kue'e ni ndutuchiin nuu oo Jesús.



Su ja siun ka oo kua'a ndeva'a ñayiu,
te ña kuu ja kentakuei de ndee nuu oo
ya, te ni ka skaa de tee ku'u yun ichi xtuu
ve'e, te ni ka june de yata ve'e mamaa
nuu oo Jesús, te ni ka skee de jito nuu
katuu tee ni
ndutuchiin
yun.



Te nuu ni jini ya ja ka kandija gua'a tee yun, te jiña'a ya nuu tee ni ndutuchiin yun:

–Se'e, ja ni jaka'nu ini rin yika kuechi ron –jiña'a ya.

–Nuu maa ron ka'an rin, ndakoo te ndakuiso ron jito ron, te kuano'o ve'e ron –jiña'a ya.



Yun te ni ndee ya nuu barco, te ka ndikin ña tee ka skua'a jin ya. Yun te ni jinki'i in tikacha ni'i ndeva'a nuu ndute yun, te ndakoo sukun de, te ni ka ja'nu ndeva'a ola ndute yun ja ni jinonta ndee nuu barco yun. Su Jesús, chi kixin ni ya.



Yun te jiña'a ya: –¿Nau ja ka yu'u ni, se'e tee tu ka kandija gua'a? Yun te ni ndakoo ya, te ni tatnuni ya nuu tikacha yun jin ola ndute yun, te ni jinkuiin ndi'i. Yun te vini ka sa'u kuii kuiti ini de, te ka ndatno'o tna'a de: –¿Na in kuu tee ya'a ja vi ndee tikacha vi ndute mar ya'a ka jantno'o ña jin de?



'Chi ni kutoo ndeva'a ña ia Dios jin
ñayiu ñuyiu, yun guaa ni jiña'a ya
invaa Se'e ya, nagua ja ndi'i ñayiu
ka kandija ña jin ya ma vi junai,
chi vi ni'i ja vi kotekui nikuii nikani.



Romanos 3:23 Chi ndi'o ni ka sa'a yika kuechi, te ni ka kuu jikao nuu ye'e tajan ia Dios.

Romanos 6:23 Chi ya'u ja ka ni'o ja ka sa'o yika kuechi kuu ja vi kuo, su ja skuta'u ña ia Dios kuu ja vi kotekuo nikuii nikani jin Jito'o Jesukristu.

Hebreos 9:27 Saa nagua ka ji'i ndi'i ñayiu invaa ni jichi, yun te kua'ankuei ja ka'nde ia Dios kuechi.

Efesios 2:8,9 Chi ni ka'an nda'u ni ka'an kee ña ia Dios jion, ja ni skaku ni'nu ña ya jin ma'ñu sagua ja ka kandijao. Te masu in ja vaji nuu mao kuu, chi in java'a ja ni skuta'u ña ia Dios kuu. Te masu jin tniuu gua'a ja ka sa'o kuu ja skaku ni'nu ña, nagua ja ni in ñayiu ma vi kokuu teyii jin tniuu gua'a ka sa'i.



Romanos 10:9,10 Chi nuu ja jin yu'u ni na'ma ni ja Jesús kuu Jito'o ni, te kandija ni jin anu ni ja ia Dios ni ndaxteku ya ne'u ndiyi, te kaku ni'nu ni. Chi jin anuo kandijao nagua ja kokuo ñayiu ndaa, te jin yu'o na'mao ja Jesús kuu Jito'o, nagua ja skaku ni'nu ña ya.

San Juan 3:16,17 'Chi ni kutoo ndeva'a ña ia Dios jin ñayiu ñuyiu, yun guaa ni jiña'a ya invaa Se'e ya, nagua ja ndi'i ñayiu ka kandija ña jin ya ma vi junai, chi vi ni'i ja vi kotekui nikuii nikani. Chi tu ni tetniuu ia Dios Se'e ya ñuyiu ja xtavi kuechi ya ñayiu ñuyiu, chi ni tetniuu ña ya nagua ja vi kaku ni'nu ñayiu ñuyiu jin ma'ñu sagua ya.



1 Juan 5:11-13 Te ya'a kuu tno'o ndaa ja ndakani maa ia Dios: ja taa ya ja vi kotekuo nikuii nikani, te jin ma'ñu sagua Se'e ya vi ni'o ja vi kotekuo. Chi ñayiu oo jin Se'e ia Dios, te kotekui nikuii nikani, su ñayiu ja tu oo jin Se'e ya, te ma kotekui. Tno'o ya'a ni tee san nuu in in ni ja ka kandija ni sivi Se'e ia Dios, nagua ja vi kuni ni ja vi koteku ni nikuii nikani.



San Mateo 8-9; San Marcos 1-2, 4;
San Lucas 4, 8; San Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Mixtec, Northern Tlaxiaco Bible (xtn) © 2016, Wycliffe Bible
Translators, Inc. All rights reserved.

<https://live.bible.is/bible/XTNTBL/GEN/1>

©2025 Bible for Children, Inc.

www.M1914.org

www.bibleforchildren.org

